



# Seizcin Daeuj Lo

## 春天来了

Seizcin daeuj lo, doenghgo didngaz, doenghduz ok rongz, va caeux seizcin cingq riu coh raeuz, vadauz hai ndaej hoengzfdwfd, va'ndokgengj、vadanqcaz、va-vengj…… cungj ceng gonq lau laeng hai dwk.

Va hom yinx daeuj geij duz rwi dwggayez, gyoengqde yaep he sup aeu vafaenj duj va neix, yaep he youh bae sup vafaenj duz va haenx, nyaengqfoedfoed. Sawqmwh youh miz geij duz mbungqmbaj mbin gvaqdaej, gyoengqde mupmup duj va neix, youh mupmup duj va haenx, lumj dwg naeuz: “Va iq, mwngz caen

hom ha, caen gyaendei ha!” Mbungqmbaj youh mbin daengz baihnaj duzrwi bae, lumjbaenz doiq duzrwi naeuz: “Dahnuengx rwi, mwngz ngoenzngoenz haet ok haemh dauq, nanzdauh mwngz mbouj baeg ha?” Duzrwi riuriu youh nyaengq bae aeu vafaenj lo.

Go'nywj daj daej namh ndonj okdaej, maj ok nywj iq heuoiq. Gwnz diegnywj hix maj ok haujlai vacwx, miz mbangj saeknding, miz mbangj saekhenj, miz mbangj saekgyaemq, miz mbangj saek-lamz…… vacwx gak saek gak yiengh, boiq hwnj go'nywj heusau-

sau, yienh ndaej engq gyaendei, engq dwggayez lo. Raq rumz iq he ci daeuj, go'nywj caeuq vacwx angqvauvau bi bae bi dauq diuqfoux lo.

Goliux ietnonx mbat he, daj ndaw loq ndiu gvaqdaej, de sikhaek saj gij fapswd de, sawj swheij maj ok nyod iq heuoiq, de bienqndaej engqgya gyaendei lo, rumzcin baez ci, “byoem” goliux riengz rumz bibuengq, gij yiengh de gyaendei dangqmaz.

Seizcin, mwngz caen dwg aen geiqciet vava loegloeg gyaendei he! (seiq nienzgaep Vangz Cunhli)



## Gorangz Rox Byajraez

### 会打雷的笋

Ngoenzlwenz daxmeh caeuq daxbuz gangjvah seiz gangj daengz aen swz he——“rangzbyaj”. Gou youq henz geizheih dwk cam: “Rangzbyaj dwg gorangz rox byajraez lwi?” Daihgya dingq le cungj riuha.

Daxmeh lwnh gou nyi, rangz-byaj dwg gorangz seizcin byajraez le maj okdaej haenx. Daxgoeng bouj naeuz: “Dang seizcin sing byaj daih' it yiengj le, doenghgo cungj didngaz lo, doenghduz ninz gvaqdoeng haenx hix ndiu daeuj lo.” O, laxlawz seizcin sing gyajraez daih' it couh dwg singlingz hwnq-mbonq doenghgo doenghduz ha!

Seizcin daeuj lo, siet yungz-vaq lo, go'nywj daj daej namh ndonj okdaej lo, naedceh bienq-baenz gomiuz, nyefaex did ok ngaz heuoiq. Doenghduz youq seizdoeng ninz gvaqdoeng haenx hix ndiu lo, duzmui, duzngwz, duzcenx caeuq duzgoep ninz aen seizdoeng raezrang he, cungj okdaej ietiet ndang lo. Mwh gwn haexcaez, gou gwn daengz rangzbyaj homfwdwfd, byonghhwnz loq raen ndang swheij ndonj gvaq raq dienhlauz he, sawqmwh maj sang lo, ha, ndang gou hix deng byajraez heuh ndiu lo!

(ngeih nienzgaep Lij Cin'anh)

## Gingcig Ging Ngwz Ndiu

### 惊蛰惊醒蛇

Ndit banringz raejruub, ciuq youq gwnz ndang cwxcaih dangqmaz. Gou caeuq baengzyoux ndei Lij Mingzvej youq ndaw hongh guhcaemz.

Sawqmwh, Lij Mingzvej doeksat dwk sing hung hemq naeuz: “Miz ngwz!” Gou gig geizheih, ganjip buet gvaqbae yawj. Va, dwg duz ngwz ndeu dahraix! Aenndang duzngwz mongmwt, miz raizva, dinghdinh boemz youq goek ciengz, mbouj doengh saek di. Gou mbeihung bw, duz ngwz iq neix gou cix mbouj lau ne. Gou byaij gyawj duzngwz, sijsaey yawj. Mwngz yawj, duzngwz cingq hai aenda iq de yawj gou ne, aenndang lumj miz di saenz,

nanzdauh duzngwz lau gou?

Dou buet haeuj ranz bae heuh daxbuz daeuj. Daxbuz ra daeuj diuz faex iq ndeu, iet daengz daej ndang duzngwz bae, yungh rengz baez deuq, duzngwz deng deuq daengz gizwnq bae lo.

Doeklaeng gou cam daxbuz: “Duzngwz vihmaz youq ndaw hongh raeuz okyienh ne?” Daxbuz yawjyawj mbawlig, riu lo, de naeuz: “Ngoenzneix dwg cietheiq gingcig ndaw ngeihcib seiq aen cietheiq haenx, gvaic mbouj ndaej duzngwz cungj okdaej byaijdoengh lo.” Gou dingq mbouj rox daxbuz gangj gijmaz, ganjgaenj cam: “Gijmaz dwg ‘gingcig’ ha?” Daxbuz naeuz: “Gingcig dwg ngoenz gwnzmbwn



byajraez gingdoengh doenghduz ninz gvaqdoeng haenx. Daj ngoenz-neix hwnj, vwnhdu ndaw namh hainduj menhmenh bienq sang, doenghduz ninz gvaqdoeng haenx ciemhciemh ndiu daeuj, seizcin gaengq daeujdaengz lo!”

“O, laxlawz dwg yienghneix ha!” Gou fwt rox lo. Gingcig ging ngwz ndiu, caen mizyinx!

(it nienzgaep Goz Dunghhwz)

Yenz lauxsae cingj Dangz Dahaij doeg cozvwnz de, de hemhem aensing de, singhung doeg naeuz:

“Yenz lauxsae doiqdaih dou lumj doiqdaih lwg caenseng ityiengh, daidu de cungj dwg baenzneix unqswnh, gangjvah cungj dwg baenzneix caenciet. Yenz lauxsae cijaeu yawj dou mbat he, couh ndaej daj gij saenzcingz dou rox boux doengzhag lawz ndangdaej mbouj cwxcaih, boux doengzhag lawz bungz daengz saeh simnyap.

“Gou nyex mazfanz hawj Yenz lauxsae daiq lai lo, hoeng Yenz lauxsae cix mbouj aenvih yienghneix dwgcaengz gou. Fanj gvaqdaej, de gizgiz gvnsim gou, bang gou. Gou lau sij cozvwnz, de cungj dwg naihsim gujli gou, son gou.”

Ndaw cozvwnz Dangz Dahaij, lij sij haujlai youhdenj Yenz lauxsae. Doeg sat cozvwnz le, Dangz Dahaij maqmuengh dwk lauxsae biujyangz

### sij cozvwnz cingzgingi

## Ndaw Godangz Geqnaeuz

### 课堂上的倾诉

de, de cez da coh Liuz Yenz, gij yiengh de geijlai saenzheiq ha.

Ndawsim Liuz Yenz miz di mbouj fug, hix yaengx fwnz iugouz doeg cozvwnz swheij, Yenz lauxsae doengzeiq lo.

Liuz Yenz mbouj vueng mbouj muengz doeg dwk. De dwg sij Lij lauxsae, ndawde miz duenh ndeu dwg yienghneix sij:

“Lij lauxsae mbouj dandan doiq gunghcoz gig fucwz, de hix gig gyaenz hagseng. Vihliux ndaej dawz engqlai cinglig cuengq youq gwnz ndang hagseng, de dawz dahlwg ngamq ndaej seiq bi haenx soengq bae ranzdaiq,

cijmiz ngoenzsinghiz mehlwg cij ndaej doxraen. Miz baez ndeu, dahlwg de bingh lo, daengx ngoenz daej dwk hemq aeu daxmeh, hoeng ndaw ban boux doengzhag cingzci haemq ca he hix bingh lo, Lij lauxsae siengj: Cingzci boux hagseng neix gaengq riengz mbouj hwnj lo, caiq lot roengz baenz lai gunghgo couh engq ca lo, de doiq hagsib couh saetbae saenqsim. Yienghneix, Lij lauxsae dawz siengj-niemh caeuq yousim dahlwg cuengq youq simdaej, mbouj bae yawj dahlwg, dauqfanj ngoenzngoenz daengz ndaw ranz boux doengzhag baenzbingh haenx bae bang de boujgoq, moix baez



cungj bouj ndaej gig gvaiz. Aenvih daj gyanghaet itcig nyaengq daengz gyanghaemh, daengz mwh ninz, Lij lauxsae cungj baeg ndaej lumj fouqndok sanqgyaq nei. Gyaecangj caeuq boux doengzhag neix gig gamjdoengh, boux doengzhag neix bingh ndei le haenqrengz hagsib, cingzci daezsang gig vaiq…… Lij lauxsae dwg boux vunz gou ceiq gingqboiq haenx.” (4)